

Platt partu:

Rundbreef 2022-09

Fechten mit Q-Tips

De Waffen schullst verwehren! So
kann nümsnich sik versehren, wo
all fechten doot, man statt'n Waff
kriegt s' bloots so'n lütten Wattenstaff!
Denn hebbt se all en Staff ut Watt,
sünd s' mit de beste Waff utstatt't!
Keen dödlich Wunn mehr drifft dat Bloot --
giff't keen Gefohr, nix blifft, dat droht!

Moinmoin, leve plattdüütsche Maten un Frünnen!

Ohauaha, warrt wedder hoge Tied för den Rundbreef! Ja, de Schüddelriemel is en Fredensverschöön, de leider wied weg is vun de Realität. Wilde Tieden. Wat noch op uns tokümmt, dor is uns' Behrend Böckmann [heel skeptisch](#), avers op jeden Fall [fangt he al mal an to knütten](#). En nieges Entlastenspaket warrt snöört un warrt liekso [entlasten as dat vörige](#), hööpt wi. [Grote Gestalten treedt af](#), avers nich de [Maandrakeet Artemis](#), de Ludgerd Lüske [leeftalig verklaart un verfolgt](#) -- se [blifft vöererst op'n Grund stahn](#). De slimmsten Sorgen avers [maakt uns de Dröögde](#). Wiess Thomas Seemann [noch dat Beste dor ut maakt](#), weet wi doch: de [Sommer is nich so as alltied](#), dat löppt verdwars. Mennigeen schönen Boom warrt wi neegst Johr nich mehr gröön warrn sehn, mennigeen [Vagel warrt nich mehr singen](#), un warrt wi in Tokumst noch [de Aarn inbringen as tovöör](#)? Seggen kannst dorto eentlich nix; dorwegen hett uns Maat Behrend Böckmann dat Eenzige daan, wat blifft, un [dat ganze Märken vun de Regentrude](#) in sien heimatlich Mäkelborgisch Platt överdragen. Dat mööt wi kommentaarlos stahn laten. Köönt wi noch ümkehren op uns Weg? [De Döör is alltied apen](#), seggt Sabine Stürzer.

Man liekers giff't dat ok wedder veel Schööns un Freid üm uns -- Thomas Seemann [findt dat op de See](#), uns' Märkenvertellersch [Sophie Reinheimer in'n Rosenhag](#) un Katja Renfert [merrn in de Stadt mang Skulpturen in een vun Hamborgs schöne Parks](#). Un [natüürlich in't All](#). Un Vertellen giff't dat wedder -- vun [Teckel Topsy ehr niegste Utraster](#) un vun [dat Schipp "Hick"](#) un vun de [letzten Beklopptheiten as de "Klööer vun't Johr"](#).

Nich bloots Sommerafscheid steiht an: Een lange un een korte Reeg sünd verleden Maand bi uns toenn gahn. De lange Reeg sünd de [toxischen Planten](#), de uns Anke Nissen maleis opschreven hett. Se hett sik al wat länger to Roh sett un warrt nich mehr schrieven, wi dankt ehr för allens. Avers dat giff't ja goden Nawuss, so as uns Meike Balzer-Fraun, de ehr lütte [Sommerreeg över de Tuuren mit Junglüüd](#) ok [mit de Afslussfohrten toenn gahn](#) is -- un vun Meike warrt wi wedder wat lesen.

Wedder wat lesen doot wi vun'nanner neegsten Maand, denn is dat al beten harvstlicher. Bliedt Se solang fein sund an Liev un Seel!

Nu uns Linklist. Op de Links bruukt Se bloots klicken, dat Se henkaamt.

Plattdüütsch Künst:

[Dei Rägentrud](#). In Mäkelborger Platt överdragen vun Behrend Böckmann (21.8.)
[Dat Leed van dei Väägels](#). Leed-Överdragen van Ludgerd Lüske (16.8.)
[Alltied wedder](#). Gedicht vun Wilhelm Busch, överdragen van Ludgerd Lüske (14.8.)
[Kunst an'n Sievekingplatz](#), vörstellt vun Katja Renfert (8.8.)
[Notizen ut'n Sneemaand](#). Fotos un Verse vun Marlou Lessing (4.8.)
[Oostfreesland-Klenner: Mit'n Kutter na de Makrelen](#). Vun Thomas Seemann un Marlou Lessing (2.8.)

De Welt un Gott:

[Mit Kinner un Junglüüd op Tuur, Deel 3: De Afslussfohrten](#). Vun Meike Balzer-Fraun (26.8.)
[Dat Schipp ohn Noom](#). Vertellsel vun Heinz Tiekötter (9.8.)
[Teckel Topsy in'n Blootruusch](#). Beleeftnis vun Addi Kahl (9.8.)
[Mit Kinner un Junglüüd op Tuur, Deel 2: In't Jugendwaldheim](#). Vun Meike Balzer-Fraun (9.8.)
[Nienich ward dat Austen ennen](#). Christliche Tradisjonen to de Aarntied, tosamedragen vun Behrend Böckmann (8.8.)
[De apen Döör](#). Predigt vun Sabine Stürzer (4.8.)

Natuur un Wetenschap:

[Artemis-I-Mission: Dei Maondrakete staiht praot](#). Van Ludgerd Lüske (27.8.)
[Toxisch Planten: Pfaffenhütchen, Amaryllis](#). Vun Anke Nissen (27.8.)
[Eierstet Bild van Jupiter mit Draakenooge](#). Van Ludgerd Lüske (24.8.)
[Kassen-Satelliten](#), verklaart van Ludgerd Lüske (16.8.)
[De Sünnenaven](#). Bu-Anwiesen vun Thomas Seemann (16.8.)
[Dei Artemis-I-Mission](#). Van Ludgerd Lüske (14.8.)

In't aktuelle Naturnotizbook:

[Dei Maondrakete Artemis I bliff up'n Bodden](#). Van Ludgerd Lüske (29.8.)
[Regendröppen fällt](#). Vun Marlou Lessing (17.8.)
[Gefährliche Schönheit](#). Vun Marlou Lessing (14.8.)
[Dicke Brummer](#). Vun Marlou Lessing (9.8.)
[De Admiral](#). Vun Katja Renfert (4.8.)

Wat in de Welt vörgeiht:

[Wedderböstig Minschen](#). Vun Behrend Böckmann (14.8.)
[Sik warm antrecken](#). Behrend Böckmann röppt op to'n Handarbeiten (9.8.)
[Veri Peri: Trendfarf 2022](#). Vun Behrend Böckmann (8.8.)
[Schöne niege Welt](#). Vun Marlou Lessing (2.8.)

In Marlou Lessings plattdüütsch Notizbook:

["Gorbi rut!"](#) (31.8.)
[Dat Entlastenspaket funscheneert!](#) (29.8.)
[Minschen mit Haltung](#) (15.8.)

För Kinner:

Modder Sünn ehr Kinner: De Heidroos. Märken vun Sophie Reinheimer, överdragen vun Klaus-Dieter Tüxen (26.8.)

Hartlich grööt

Marlou Lessing un dat lütte Plattpartu-Team